



Broj: 04-40-1-269/25
Sarajevo, 27.09.2025. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 08:30 sati 26.09.2025. do 08:30 sati 27.09.2025. godine

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su devet manjih intervencija: jednu na gašenju zapaljenog smeća u kontejneru, jednu na gašenju kabastog otpada na otvorenom prostoru, jednu na gašenju zapaljenog automobila, jednu tehničku intervenciju na otvaranju vrata lifta i pet obezbjeđenja (četiri na Međunarodnom aerodromu Sarajevi i jedno kulturnog događaja)

Općinski operativni centar civilne zaštite Stari Grad: Općinski štab civilne zaštite Stari Grad organizovao je 24-satno osmatranje terena na ugroženim područjima od klizišta, lokalitetima Curine njive, Knjeginjac i Bistrički potok u cilju osiguranja provođenja pravovremenih mjera zaštite stanovništva (pravovremenog upozoravanja i evakuacije, ukoliko to situacija bude zahtijevala) i infrastrukture. Uposlenici Službe civilne zaštite Općine Stari Grad Sarajevo, terenskim obilaskom navedenih lokacija dana 26.09.2025. godine, utvrdili su slijedeće stanje:

1. Curine njive (Opština Istočni Stari Grad i Općina Stari Grad Sarajevo – Bostarići):

Uočene su geološke promjene, uključujući formiranje pukotina uslijed atmosferskih uticaja i pucanja tla (na dijelu “Curine njive ispod igrališta” – dio šumskog zemljišta).

Obilaskom lokaliteta Curine Njive na igralištu sa gornje strane urađena drenaža i voda skrenuta na drugu stranu prema potocima u šumu prema rasadniku. Primjećeno je blaga erozija tla i širenje pukotina na navedenoj lokaciji. Primjećena je i veća vlaga u pukotinama na igralištu. Nema vode, dok je ispod istog vidljiva vlaga. Vlažno zemljište kao i erozija zemlje prema kućama Kerića. Dotok vode sa drenaže i sa izvora u minimalnim količinama.

Ocjena rizika: Lokalitet je ocijenjen kao uslovno kritičan zbog geoloških procesa, te zahtijeva kontinuiran nadzor.

2. Knjeginjac (Opština Istočni Stari Grad):

Nije zabilježeno novo odlaganje građevinskog materijala. Uočeno je slijeganje postojećeg deponijskog materijala uz početne znakove erozije, što ukazuje na postepenu konsolidaciju tla i

uticaj atmosferskih faktora. Vidljivo je slijeganje deponije, te osipanje zemlje sa iste. Na nasipu su vidljive bare sa vodom. Donji dio nasipa je vlažan, a dotok vode je u minimalnim količinama prema drenaži. Vidljivo je blago osipanje zemlje. Pregledom, rigola iznad ceste je prazan i bez prisustva vode, što potvrđuje smanjeni dotok iz viših dijelova terena.

Ocjena rizika: Slijeganje deponijskog materijala i erozija usljed atmosferskih uticaja.

3. Bistrički potok (Općina Stari Grad Sarajevo – Boguševac i Opština Istočni Stari Grad):

Korito potoka je i dalje djelimično zatrpano zemljanom i kamenim materijalom i obrušenim stablima. Nisu evidentirane nove degradacije. Na lokaciji potoka i duž istog se ne izvode radovi za raščišćavanje, tako da je i isti u dijelu nasipa zatrpan kamenjem i stablima. Dotok vode kroz bistrički potok prema Trebeviću u minimalnim količinama, dok se sa kaptaže izvora kod mosta na Boguševcu, višak vode i dalje ulijeva u kotito potoka.

Ocjena rizika: Povećana opasnost od plavljenja u slučaju obilnih padavina, akumulacija nanosa uzvodno od začepljenja, u slučaju obilnih padavina mogućnost erozije obale uslijed promijenjenog toka vode.

4. Evakuacija stanovništva sa ugroženih područja:

Na osnovu Naredbi Štaba civilne zaštite Kantona Sarajevo (br. 08-40-1128-2/24 od 01.11.2024. godine i br. 08-40-1128-2.1/24 od 20.11.2024. godine), kao i Planova evakuacije Općine Stari Grad Sarajevo, Služba civilne zaštite redovno obilazi naselja Bostarići, Ablakovina i Ablakovina čikma. U toku su procjene rizika i pripreme za eventualno izmještanje stanovništva u sigurnije objekte, koje će osigurati Općina Stari Grad Sarajevo.

Iz ostalih općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

Elektro distribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetske postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila 15°C, vlažnost zraka 90%, barometarski pritisak 946,5 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Radi provođenja mjera bezbjednog održavanja fudbalske utakmice, večeras od 15:00 do 21:00 sat obustavit će se saobraćaj u ulicama Bulevar Ivice Osima (od raskrsnice sa ulicama Put Mladih Muslimana i Azize Šaćirbegović do raskrsnice sa ulicom Hamdije Čemerlića) i Topal Osman paše (od raskrsnice sa ulicom Kemala Kapetanovića do raskrsnice sa ulicom Bulevar Ivice Osima).

Zbog održavanja utrke „RACE FOR THE CURE“ danas od 06:00 do 16:00 sati obustavlja se saobraćaj na saobraćajnici Vrbanja (na dionici od spoja sa saobraćajnicom Vilsonovo šetalište do spoja sa saobraćajnicom Zmaja od Bosne). Daje se prednost učesnicima manifestacije u periodu od 11:30 do 12:30 sati na saobraćajnici Vilsonovo šetalište, kao i prilikom prolaska učesnika manifestacije na ukrštanju saobraćajnice Vilsonovo šetalište sa saobraćajnicama Topal Osman paše i Hamdije Čemerlića.

Zbog rekonstrukcije i izgradnje hidrantske mreže saobraćaj je obustavljen u ulici Reljevska, a saobraćaj je preusmjeren na alternativne pravce.

Prema informacijama prikupljenih od dežurnih dispečera i informativnih službi KJKP GRAS, Centrotrans – Eurolines d.d. i JP Željeznice Federacije BiH, gradski, međugradski i željeznički saobraćaj se odvijaju po redu vožnje.

**PO OVLAŠTENJU DIREKTORA
ŠEF CENTRA**

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a